

銘林人事

集選


					漢書門
冊	架	函	號	類	

庫文閣内			
三	二	八	漢
二	二	八	書
架	冊	號	類

内閣文庫		
番號	漢	8068
冊數	20 ( 17 )	
函號	367	132

香林書房

廿八廿九



綴じ部(喉部分)の文字等が開きが不鮮明な場所あり

銘林

三

人事紀切述德

丹之内

六

翁林

今書以在漢母

器本卷之三

紀切述德

署字三行



响樓碑

淺草夏高庫

徐靈期衡山記云夏高庫水通瀆刻石書名山之高

承帝曰嗟猗輔佐卿州渚與登鳥罽之門參身  
宏流而明發爾興久旅志家宿歎菴庭智營形  
析心罔弗辰往未卒定華岳太衡宗疏事裒勞  
餘神禋鬱塞昏徒南瀆行亨衣制食備萬國其  
寧窳舞永奔

仲

古史詩裁計衡山記

惟夏后氏建大功定大位立大政勤勞萬邦和  
 寧四極威懷之道儀刑後王當乎洪流方割災  
 被下土自壺口而導百川大功建焉虞帝耄期  
 象順天曆自南河而受四海大位定焉萬國既  
 同宣省風教自塗山而會諸侯大政立焉功莫  
 崇乎禦大災乃賜玄圭以承帝命位莫崇乎執  
 大象乃輯五瑞以建皇極政莫先乎齊大統乃  
 朝玉帛以混經制是所以承唐虞之後垂子孫

塗山銘

并序

唐柳宗元

惟夏后氏建大功定大位立大政勤勞萬邦和  
 寧四極威懷之道儀刑後王當乎洪流方割災  
 被下土自壺口而導百川大功建焉虞帝耄期  
 象順天曆自南河而受四海大位定焉萬國既  
 同宣省風教自塗山而會諸侯大政立焉功莫  
 崇乎禦大災乃賜玄圭以承帝命位莫崇乎執  
 大象乃輯五瑞以建皇極政莫先乎齊大統乃  
 朝玉帛以混經制是所以承唐虞之後垂子孫

毛擇  
字旌  
作

之丕業立商周之前樹帝王之洪範者也嗚呼  
天地之道尚德而右功帝王之世崇德而賞功  
故堯舜至德而位不及嗣湯武大功而祚延于  
世有夏德配于二聖而唐虞讓功焉功冠于三  
代而商周讓德焉宜乎立極垂統貽于後裔當  
位作聖著為世準則塗山者功之所由定德之  
所由濟政之所由立有天下者宜取於此追惟  
大號既發華蓋既狩方岳列位奔走來同山川  
守神莫敢違寧羽旄四合衣裳咸會虔恭就列  
俯僂聽命然後示之以禮樂和氣周洽申之以  
德刑天威震耀制立謨訓亘在長久厥後啓征  
有扈而夏德始衰羿距太康而帝業不守皇祖  
之訓不由人亾政墜卒就陵替向使繼代守文  
之君又能紹其功德脩其政統卑宮室惡衣服  
拜昌言平均賦入制定朝會則諸侯常至而天  
命不忒矣茲山之會安得獨先于後歟是以周  
穆遐追遺法復會于是山聲垂天下亦紹前軌  
用此道也故余為之銘庶後代朝諸侯制天下

者仰則於此辭曰  
惟禹體道功厚德茂會朝侯衛統壹憲度省方宣  
教化制殊類咸會壇位承奉儀矩禮具樂備德容  
既孚乃舉明刑以弼聖謨則戮防風遺骨專車克  
明克威疇敢以渝宣昭黎憲者定混區傳祚後胤  
丕承帝圖塗山巖巖界彼東國惟禹之德配天無  
極即山刊碑貽後訓則

柳文二十九

鄒嶧山刻石銘

秦始皇

史記始皇二十八年東行郡縣上鄒嶧  
山與魯諸儒生議刻石頌秦德乃遂上  
泰山立石封祠祀刻  
所立石其辭曰云云

皇帝立國維初在昔嗣世稱王討伐亂逆威動  
四極武義直方戎臣奉詔經時不久滅六暴強  
二十有六年上薦高號孝道顯明既獻泰成乃  
降尊惠親巡遠方登於嶧山羣臣從者咸思攸  
長進念亂世分土建邦以開事理攻戰日作流

專

血于桎自太古始世無萬教池及五帝莫能禁  
止迺今皇帝一家天下兵不復起災害滅除黔  
首康定利澤長久羣臣誦畧刻此樂石以著經  
紀

古史記

泰山刻石銘

泰山刻石銘

前人

史記始皇二十八年東行與諸儒生議  
封禪望祭山川之事遂上泰山立石封  
祠祀禪梁父刻所  
立石其辭曰云云

皇帝臨位作制明法臣下修飾二十有六年初  
并天下固不賓服親巡遠方黎民登茲泰山周  
覽東極從臣思述本源事業祇誦功德治道運  
行諸產得宜皆有法式大義休明垂于後世順  
承勿革皇帝躬聖既平天下不懈于治夙興夜

寐建設長利專隆教誨訓經宣達遠近畢理咸  
承聖志貴賤分明男女禮順慎遵職事昭隔內  
外作隔一融靡不清淨施于後世化及無窮遵奉遺  
詔永承重戒

石臺刻石銘

石臺刻石銘

琅邪臺刻石銘

前人

史記曰始皇二十八年既封泰山于是  
乃並勃海以東過黃腫窮成山登之罘  
立石頌秦德焉而去南登琅琊大樂之  
留三月乃徙黔首三萬戶琅琊臺下復  
十二歲作琅邪臺立  
石刻頌秦德明得意

理

維二十六年皇帝作始端平法度萬物之紀以  
明人事合同父子聖智仁義顯白道里東撫東  
土以省卒士事已大畢乃臨于海皇帝之功勤  
勞本事上農除末黔首是富普天之下搏心揖



志器械一量同書文字日月所炤舟輿所載皆  
終其命莫不得意應時動事是維皇帝匡飭異  
俗陵水經地憂恤黔首朝夕不懈除疑定法咸  
知所辟方伯分職諸治經易舉措必當莫不如  
畫皇帝之明臨察四方尊卑貴賤不踰次行姦  
邪不容皆務貞良細大盡力莫敢怠荒遠邇辟  
隱事務肅莊端直敦忠事業有常皇帝之德存  
定四極誅亂除害興利致福節事以時諸產繁

殖黔首安寧不用兵革六親相保終無寇賊驩  
欣奉教盡知法式六合之內皇帝之土西涉流  
沙南盡北戶東有東海北過大夏人迹所至無  
不臣者功蓋五帝澤及牛馬莫不受德各安其  
宇維秦王兼有天下立名為皇帝乃撫東土至  
於琅邪列侯武成侯王離列侯通武侯王賁倫  
侯建武侯趙亥倫侯昌武侯成倫侯武信侯馮  
毋擇丞相隗林丞相王綰卿李斯卿王戊五大

夫萌嬰五大夫楊樛從與議于海上曰古之帝王地不過千里諸侯各守其封域或朝或否相侵暴亂殘伐不止猶刻金石以自為紀古之五帝三王知教不同法度不明假威鬼神以欺遠方實不稱名故不久長其身未沒諸侯倍叛法令不行今皇帝并一海內以為郡縣天下和平昭明宗廟休道行德尊號大成羣臣相與誦皇帝功德刻于金石以為表經

同上引後魏書

之罘山刻石銘

前人

史記始皇二十九年東遊登之罘刻石又刻其東觀其碑曰云云

在  
維二十九年時有中春陽和方起皇帝東遊巡登之罘臨炤于海從臣嘉觀原念休烈追誦本始大聖作治建定法度顯著綱紀外教諸侯光施文惠明以義理六國回辟貪戾無厭虐殺不已皇帝哀衆遂發討師奮揚武德義誅信行威燁旁達莫不賓服烹滅疆秦振救黔首周定四

極普明施法經緯天下永為儀則大哉字縣之中承順聖意羣臣誦功請刻于石表垂于常式

古逸字彙

# 東觀漢記

卷八

石門高誓刻石門壞城郭決通隄

## 碣石刻石銘

前人

史記三十二年始皇之碣石使燕人盧生求羨門高誓刻石門壞城郭決通隄防其辭曰云云

遂興師旅誅戮無道為逆滅息武殄暴逆文復無罪庶心咸服惠論功勞賞及牛馬恩肥土域皇帝奮威德并諸侯初一秦卒蕩壞城郭決通川防夷去險阻地執既定黎庶無繇天下咸撫男樂其疇女修其業事各有序惠彼諸產又並

所

来由莫不安所羣臣誦烈請刻此石垂著儀矩

皇朝通志

東觀漢記

皇朝通志

卷八

會誓山刻石銘

前八

史記始皇三十七年出遊左丞相斯從上會誓祭大禹望南海而立石刻頌秦

德其粹

皇帝休烈平一宇內德惠攸長三十有七年親  
軻天下周覽遠方遂登會誓宣省習俗黔首齊  
莊羣臣誦功本原事迹追道高明秦聖臨國始  
定刑谷頭陳舊章初于法式審別職任以立恒  
常六王專倍貪戾傲猛率衆自強暴虐恣行負

省 字

力而驕、教動甲兵、陰通間使、以事合、從行為辟  
方、內飭詐謀、外來侵邊、遂使禍殃、義賊謀之、殄  
息暴悖、亂賊滅亡、聖德廣密、六合之中、被澤無  
疆、皇帝并字、兼聽萬事、遠近畢清、運理羣物、考  
驗事實、各載其名、貴賤並通、善否陳前、靡有隱  
情、飾者宣義、有子而嫁、倍死不貞、防隔內外、禁  
止淫泆、男女潔誠、夫為寄殲、殺之無辜、男秉義  
程、妻為逃嫁、子不得母、咸化廉清、大治濯俗、天

下承風、蒙被休經、皆遵軌度、和安敦勉、莫不順  
令、黔首修潔、人樂同則、嘉保太平、後敬奉法、常  
治無極、輿舟不傾、從臣誦烈、請刻此石、光垂休  
銘

同上引史  
卷之六

之四  
一

文如斯  
 息暴憐  
 皇皇  
 功  
 德  
 不  
 衰  
 終  
 古  
 存  
 心  
 無  
 改  
 永  
 垂  
 萬  
 古  
 之  
 光  
 也  
 此  
 銘  
 以  
 記  
 聖  
 德  
 而  
 垂  
 萬  
 古  
 之  
 光  
 也

東觀銘

前人

維二十九年皇帝春遊覽省遠方逮于海隅遂  
 登之罘昭臨朝陽觀望廣饜從臣咸念原道至  
 明聖法初興清理疆內外誅暴強武威旁暢振  
 動四極禽滅六王闡并天下蓄害絕息永偃戎  
 兵皇帝明德經理宇內視聽不怠作立大義昭  
 設備器咸有章旗職臣遵守各知所行事無嫌  
 疑黔首改化遠通同度臨古絕尤常職既定後

一  
二

嗣循業長承聖治羣臣嘉德祇誦聖德請刻之

果

皇朝通志

禮四時會祭

開聖廟

臺之

殿

東

西

句曲良常山銘壁文

秦李斯

茅君內傳曰秦始皇三十七年遊會稽還于句曲良常山北埋白壁一雙深七

尺李斯刻篆壁文

始皇聖德卒章山河巡狩蒼川勒名素壁

句曲良常山內傳

金人銘

春  
湖  
表

皇帝二十六年初兼天下以為郡縣正法律同  
度量大人來見臨洮身長五丈足六尺

東董道  
廣川書

跋曰李次升謂得之印中金人脇下余考此秦  
人銘昔秦長秋十二見于臨洮長五丈餘以為  
祥鑄金人象之其重二十四萬斤坐阿房宮前  
當漢從未央宮王莽嘗鑄其鷹文後遺卓以其  
九鑄錢石虎以其三置鄴宮符堅取之復置長  
安以其二為錢其一適至陝而堅亂民勞苦患  
之乃排陷河中戴延之曰翁仲所投故河流湧  
起金狄七矣

古史傳載  
同上引廣川書跋

口曲身等  
...

...

...

...

...



封燕然山銘

漢班固

惟永元元年秋七月有漢元舅曰車騎將軍竇  
 憲寅亮聖皇登翼王室納大麓惟清緝熙乃與  
 執金吾耿秉述職巡禦治兵于朔方鷹揚之校  
 螭虎之士爰該六師暨南單于東胡烏桓西戎  
 氐羗侯王君長之羣驍騎十萬元戎輕武長轂  
 四分雷輜蔽路萬有三千餘乘勒以八陣莅以  
 威神玄甲耀日朱旗絳天遂凌高闕下雞鹿經  
 磧鹵絕大漠斬溫禺以響鼓血尸逐以染鍔然

皇帝二十六年秋七月有漢元舅曰車騎將軍竇  
 憲寅亮聖皇登翼王室納大麓惟清緝熙乃與  
 執金吾耿秉述職巡禦治兵于朔方鷹揚之校  
 螭虎之士爰該六師暨南單于東胡烏桓西戎  
 氐羗侯王君長之羣驍騎十萬元戎輕武長轂  
 四分雷輜蔽路萬有三千餘乘勒以八陣莅以  
 威神玄甲耀日朱旗絳天遂凌高闕下雞鹿經  
 磧鹵絕大漠斬溫禺以響鼓血尸逐以染鍔然

金人

班固

後四校橫徂星流彗掃蕭條萬里野無遺寇於  
是域滅區殫反旆而旋考傳驗圖第覽其山川  
遂踰涿邪跨安侯乘燕然躡冒頓之區落焚老  
上之龍庭將上以擣高文之宿憤光祖宗之玄  
靈下以安固後嗣恢拓境宇振大漢之天聲茲  
可謂一勞而久逸暫費而永寧也乃遂封山刊  
石昭銘盛德其辭曰  
鑠王師兮征荒裔勦凶虐兮截海外復其邈兮巨  
地界封神兵兮建隆嵎熙帝載兮振萬世

文選

班定遠平定西域銘

并序

明陳子龍

大漢中興六十餘載德協中夏武節四流威神  
暢接迴昧拔身允率鱗踵休符著粲大埏之上  
罔蔑宗應屹乎荒詭比內屬單厥人面既服南  
單于遂誅尸逐揚師雞鹿植表炎海巨象入牧  
大雀賓囿怪物雲會助共明神洋衍乎垂統之  
昭則也玉門以西蔥嶺之間城郭行國時繫匈  
奴烏耆首惡阻漢靈威皇帝愍怒西城都護班  
超因使奮跡厲夜誅逆駭怖王廣絕功俶落遂

掩于寘、叔兜、題、靡、姑、墨、置、疏、勒、屈、月、氏、五十餘  
國、面、內、馳、澤、繞、塞、安、赴、萬、里、橫、蕩、匈、奴、不、納、足  
於、西、邨、肩、輔、亡、落、賓、獻、益、恪、削、懸、度、之、名、險、過  
龍、堆、之、譎、塗、成、世、顯、之、宿、志、繼、甘、陳、之、歌、功、立  
漢、旌、於、崑、山、蜚、炎、光、於、西、海、薦、功、高、廟、歆、動、上  
帝、遂、刊、隆、碣、昭、茲、來、許、其、辭、曰、

淫、哉、淵、德、流、虞、唐、滲、漉、八、表、遺、堯、光、百、譯、那、哀、絡  
梯、航、介、其、禮、祀、肅、以、匡、詭、物、繩、繩、輸、四、疆、醉、飽、神  
氣、滋、和、康、散、蠢、不、靖、自、西、羌、胥、結、羣、胡、懷、殘、戕、猛  
士、幅、億、奮、武、剛、燦、發、夷、劉、火、孔、揚、整、斷、荒、裔、截、有  
綱、并、昧、約、順、更、侯、王、轉、柁、戎、醜、缺、斧、斨、戢、徽、向、義  
俾、筐、筐、玉、門、西、望、清、廣、長、五、十、君、長、朝、神、鄉、懋、公  
豐、沛、日、月、倚、玄、靈、凝、耀、威、天、狼、羌、謠、胡、樂、來、笙、簧  
符、拔、師、子、遊、浴、陽、獾、狁、伏、喘、孚、衣、裳、萬、里、疏、徹、息  
御、防、麗、烈、敷、播、漢、道、昌、成、功、類、告、開、明、堂、符、協、隆  
威、神、翺、翔、寥、廓、萬、年、舉、一、觴、凌、崖、摩、石、施、鴻、章、緝  
熙、帝、載、封、要、荒

*[Faint bleed-through text from the reverse side of the page]*

陳忠裕集

天柱山銘有序

鄭述祖

使持節都督光州諸軍事車騎大將軍儀同三

司光州刺史兼陽鄭述祖撰

巖巖岱宗魯邦仍其致祀奕奕梁山韓國以之

作鎮蓋內拳石吐雲扶寸<sup>布</sup>兩五岳三望六宗九

獻祈禱斯應禮秩攸明天柱山者即魏故通直

散騎常侍中書侍郎國子祭酒秘書監青光相

三州刺史先君文恭之所題目南臨巨海北眺

滄溟西帶長河東瞻大壑斜嶺燦天層峰隱日

尋十洲於掌內、總六合於眼中、文韞自此經停、  
精衛因其一身、始皇遊而不返、武帝過以樂心、  
龍輿鳳輦、駐節停驂、豈疇對小大、共叙優劣者、  
邢公稟氣辰象、合靈川岳、禮義以成規矩、仁智  
用為樞機、自結衣冠、逞譽華履、傳聲組綬、相輝貂  
冕、交映、至於愛仙樂道之風、孝敬仁慈之德、張  
良崔廓未足云擬、文光夏甫曷以能加、魏永平  
三年、朝請以此州俗、關南楚境、踰東秦、田單奮  
武之鄉、鄰其逞辨之地、民猷鄙薄、風物凌遲、詢

類

茲保乂、非公勿許、及軀難御、下字衆、理物群情、  
款密、庶類允諧、變此澆夷之俗、侔比禮樂之邦、  
懋績布在、歌謠鴻範、宣諸史策、公久渴於榆、緬  
懷桑梓、同升壠而洒泣、類陟岵以興嗟、於此東  
峰之陽、仰述皇祖、魏故中書令秘書監兗州刺  
史文貞之狀、鑄碑一首、峯之東、石室之內、復致  
其銘、變屈出異、巧神化、自卿校將守以下、下及  
陪臺隸圉、莫不歆淫宴喜、咸懷醉飽、雖夏啟均  
臺之亨、周成岐陽之祀、高祖邑中之會、光武奮

里之冥何以尚茲是以刊石立銘光示來葉其  
辭曰  
赫王師征南裔奮靈威震天外吳夷誓蜀虜窟區  
夏清八荒艾幸舊邇設高會皇德洽洪恩邁刊金  
石光萬世

*(Faint bleed-through text from the reverse side)*

唐文選

真味道加此感通不鎬名山安用銘異臣拜誓  
首敢勒銘云  
來蘇興怨帝自東征言復禹績乃御軒營六師薄  
伐三韓肅清藝行天罰赫赫明明文德上暢靈武  
外薄車徒不擾苛慝靡作凱歌載路成功允鑠反  
旆還軒遵林並壑停輿海澨駐驛岩岵出巖宵想遊疑  
藐屬千里金臺銀闕雲浮兵峙有感斯應靈禽金內效  
祉飛來清漠俱集華泉好音玉響皓質冰解狎仁  
馴德習習翩翩絕迹無泯於萬斯年帝覽而善之

*(Small mark or character)*

命有司，勒於海上，以度違功，授建節尉。綽恃才，任氣無所降。下著作郎，諸葛穎以學業倖於帝，綽每輕侮之。由是有隙。帝嘗問綽於穎，穎曰：「虞綽，麤人也。帝饒之時，禮部尚書楊玄感稱為貴，倨虛襟禮之，與結布衣之友。綽教之遊其族人，虞世南誠之曰：『上性猜忌，而君過厚，玄感若與絕交者，帝知君改悔，可以無咎。』不然，終當見禍。」綽不從。尋有告綽以禁內兵書，借玄感，帝甚銜之。及玄感敗後，籍沒其家，妓妾並入宮。帝因問之玄感，卒。常時與何人交往，其妾以虞綽對。帝令大理卿鄭善果窮治其事。綽曰：「竊旅薄遊，與玄感文酒談款，實無他謀。帝怒不解，從綽且來。綽至長安而亡，吏逮之急，於是潛度江，變姓名，自稱吳卓，遊東陽，抵信安，令天水辛大德、大德舍之。歲餘，綽與人爭田，相訟，有識綽者而告，竟為吏所執，坐斬江都。時年五十四。所有詞賦並行於世。大德為令，誅翦群盜，甚得民和。與綽但為使者所執，其妻泣曰：『每諫君無匿，學士今日之事，豈不哀哉！』大德笑曰：『我奉圖脫長者，反為』

人告之吾罪也當死以謝綽會有詔死罪得以擊  
賊自効信安吏民詣使者叩頭曰辛君人命所懸  
辛君若去亦無信安矣使者留之以討賊帝怒斬  
使者大德獲全

大德獲全  
大德獲全  
大德獲全  
大德獲全  
大德獲全  
大德獲全  
大德獲全  
大德獲全  
大德獲全  
大德獲全

唐書卷二十二

大鳥銘

隋虞綽

維大業八年歲在壬申夏四月景子皇帝底定  
遼碣班師振旅龍駕南轅鸞旗西邁行宮次於  
柳城縣之臨海頓焉山川明秀寔仙都也旌門  
外設疑跨重阜帳殿周施降望大壑息清蹕下  
輕輿警百靈綏萬福躋素砂步碧沚同軒皇之  
窳野邁漢宗於河上想汾射以開襟望蓬瀛而  
載佇窅然齊肅藐屬殊庭無以聖德遊宣息別  
風與淮雨休符潛感表重潤於夷波壁日曠光

和

款



卿雲舒采六合開朗十洲澄鏡少選之間儼烏  
靈感忽有祥禽皎同鶴鷺出自霄漢翻然雙下  
高逾一丈長乃盈尋靡霜暉於羽翮激丹萃於  
甯距鸞翔鳳跼鵲起鴻鸞或蹶或咏載飛載止  
徘徊馴擾咫尺乘輿不藉揮琴非因拊石樂我  
君德是用采儀斯固敷仙人之騏驥冠羽族之  
宗長西王青鳥東海赤鳳豈可同年而語哉竊  
以銘基華岳事乖靈異紀迹鄒山義非盡美猶  
方冊不泯遺文可觀况盛德成功若斯懿鑠懷

可汗山銘

唐謝偃

維貞觀十三年歲在己亥二月甲戌朔八日辛  
巳聖唐大使右武衛大將軍慕容寶節度副使  
朝散大夫任雅相等肅奉明詔冊授大單于真  
珠毗伽可汗嫡嗣為肆葉護可汗安懷率土廓  
裁宇外曩者階歷既終九域淪覆天資聖明光  
啟有唐而頡利背恩虐我邊域是以輕賫電發  
直掩虜庭驅縱驍雄奔放志烈百弩俱發萬鋒  
齊舉鞞雷鼓霓動天維於上拔山蹴岳移地軸

於下、雲騎騰溢、則川野晝昏、風旗揚曳、則辰離  
黯色、擒谷蠡於谷口、曾未崇朝、斬日逐於轅門、  
景不移晷、龍庭柳塞之外、煙滅雲銷、瀚海天  
之前、波澄霧卷、上以震皇威於萬葉、下以安億  
兆於千齡、雖有靈祗贊我有唐、亦所以恢崇今  
單于地也、能是以萬里齊契、四海同規、始駭秦  
防、徒營漢城、虛築在德、非險皇哉、唐哉、勒石紀  
功、騰聲不朽、詞曰、

振天威兮橫朔方、星劍騰兮虹旗揚、窮絕漢兮越  
幽荒、拜單于兮冊名王、歷千載兮聲彌光、

全唐文卷百五十六

紀泰山銘并序

唐高宗

朕宅帝位十有四載顧惟不德惜於至道任夫  
難任安夫難安茲朕未知獲戾於上下心之浩  
盪若涉於大川賴上帝垂休先后儲慶宰衡庶  
尹交修皇極四海會同五典敷暢歲云嘉熟人  
用大和百辟僉謀倡予封禪謂孝莫大於嚴父  
謂禮莫尊於告天天府既至人望既積固請不  
已固辭不獲肆予與夫二三臣稽虞典繹漢制  
張皇六師震疊九寓旌旗有列士馬無譁肅肅

邕邕翼翼溶溶。以至於岱宗順也。爾雅云。泰山  
為東嶽。周官曰。兗州之鎮山。實惟天帝之孫。羣  
靈之府。其方處萬物之始。故稱岱焉。其位居五  
嶽之伯。故稱宗焉。自昔王者受命易姓。於是乎  
啟尺地。薦成功。序圖錄。紀氏號。朕統承先王。茲  
率厥典。實欲報元天之眷命。為蒼生之祈福。豈  
敢高視千古。自比九皇哉。故設壇場於山下。受  
羣方之助祭。躬封燎於山上。冀一獻之通神。斯  
亦因高崇尺。就廣增地之義也。乃仲冬庚寅。有  
事東嶽。類於上帝。配我高祖在天之神。罔不畢  
降。粵翌日。禪於社首。侑我聖考。祀於皇祇。在地  
之神。罔不咸舉。暨壬辰。親羣后。上公進曰。天子  
膺尺符。納介德。羣臣拜稽首。千萬歲。慶答歡同。  
陳誠以德。大渾叶度。彝倫攸叙。三事百揆。時乃  
之功。萬物由庚。兆人允殖。列牧衆宰。時乃之功。  
一二兄弟。篤行孝友。錫類萬國。時惟休哉。我儒  
制禮。我史作樂。尺地擾順。時惟休哉。靈夷戎狄。  
重譯來貢。累聖之化。朕何慕焉。五靈百寶。日來

月集會昌之運朕何感焉凡今而後儆乃在位  
一王度齊象法權舊章補缺政存易簡去煩苛  
思立人極以見尺則於戲尺生蒸人惟后時人  
能以美利利天下事尺明矣地德載物惟后時  
相能以厚生生萬人事地察矣尺地明察鬼神  
著矣惟我藝祖文考精爽在天其曰懿予幼孫  
克享上帝惟帝時若馨香其下在乃曰有唐氏  
文武之曾孫隆基誕賜新命續我舊業永保尺  
祿子孫其承之予小子敢對揚上帝之休命則  
亦與百執事尚繼此人懔多於前功而愆彼後  
患一夫不獲萬方其罪予一人有終上天其知  
我朕惟實行三德曰慈儉謙慈者覆無疆之言  
儉者崇將來之訓自滿者人損自謙者尺益苟  
如是則軌迹易循基構易守磨石壁刻金記後  
之人聽詞而見心觀末而知本銘曰  
惟天生人立君以理惟君受命奉天為子代去不  
留人來無已德涼者滅道高斯起赫赫高祖明明  
太宗爰革階政奄有萬邦馨尺張宇盡地開封武

稱有箴。文表時筮。高宗稽古。德施周溥。茫茫九表。  
削平一鼓。禮備封禪。功齊舜禹。巖巖岱宗。行我神  
主。中宗紹運。舊邦惟新。睿宗繼明。天下歸仁。恭已  
南面。網緼化醇。告成之禮。留諸後人。緬予小子。重  
基五聖。匪功伐高。匪德矜盛。欽若祀典。丕承永命。  
至誠動天。福我萬姓。古封泰山。七十二君。或禪或  
災。或禪云云。其迹不見。其名可聞。祇適文祖。光昭  
舊勳。方士虛誕。儒書齷齪。佚后求仙。誣神檢玉。秦  
災風雨。漢汗編錄。德未合天。或承之辱。道在觀政。

名非從欲。鋤心絕巖。播告羣嶽。日上

全唐文 卷之二十一

平淮碑銘并序

唐 韓雲卿

惟唐上元辛丑歲，叛臣劉展竊地弄兵，悖撓天常，肆虐黎人。淮泗而南，施於閩越，人殘命絕，職貢不修。先皇帝命我特進、試鴻臚卿兼御史中丞田神功，統盧龍勁卒，控弦引鑊，萬有餘騎，涉淮、浮江，梟魁逆布，宣德澤，返旆河南，吳楚之人，父子相歡，戚屬相賀。土壤耕闢，年穀豐登，舳舻若飛，歲月相屬。朝廷甄收顯寵，薦及出領方面，入秉端揆，錫圭分社，有土為王，收守遠近，眷

耆農桑工賈飲惠懷德皆願銘石江澌播無休  
烈其辭曰

昔在上元中夏猶虞甚兇矯攘鯨毒楚吳帝命信  
都偏師萬人鐵騎騰凌風行雲奔頓旗偃節敦諭  
威德兇慝不悛搃蠱恃毒桓桓信都奮鬣提戈援  
梓軍門氣凌山河地祇號風江靈鼓波上履旄頭  
下涂巴蛇通地之經導天之和人胥已安積十餘  
年田野豐穰轉漕如川伊昔有周召虎方叔降及  
羸秦翦起繼躡履險成功孰與爲足天子是咨南  
人是懷享國冀都銘功海門陵谷可遷碩德長存

日七



大还山銘

唐李沛

巨唐興元末，下詔徵天下兵將，大有事於淮西。遲速等衰，於是烏在。我魏博節度使、工部尚書、御史大夫、駙馬都尉、田公，選百金之士，馬步五千，悉甲而遣，委銀青光祿大夫、試殿中監、兼御史中丞、符公總之。洎貞元元年春一月，畢會於大梁。久之，未進。以其年冬十有一月，都統檢校司空、同中書門下平章事、懷德郡王、汴宋節度劉公，申命諸軍曰：元凶李希烈，渴日為惡，罔克。

若天流毒淮古以逆亂干神器以暴殄錯天命  
罪浮於瀟宮禍延於覆宗止以德柔之以仁綏  
之如豺如狼無革迫心蓋不得已而至於用兵  
猶尚盤桓伺其間鹽然後肅將天威勗爾有衆  
爾所不勗其於爾躬有罪公由是夙夜祗懼恭  
行明命長轂雷野高旗箕雲先次於訐之揆溝  
壓境而守示之以雄戰勁弩堅之以深溝高壘  
碑窮魏蹙乞追悔靡及負芒刺於背生戰慄於  
股常臂外虞不遑內事二年夏四月因虜生變  
霜刃竊發身分蔡下首懸菜街浹辰之間天下  
如鏡同文共規華夷一貫雖虜格有苗軒庭詠  
庶王者之師有征無戰不是過也五月有詔會  
大梁洪班爵賞勞以還師饋酒淮海金帛山邱  
既醉而凱歌者動以萬計享畢改乘轅北之信  
宿而濟洪河去大坵沈兵刷馬示以無事卷旗  
虹藏臥鼓雷伏公喟然歎曰昔馬援南征建標  
於桐柱竇憲北伐勒石於燕然安敢廁於昔賢  
倍多輕於茂實顧謂沛曰此皇止之威德八座

之丕績無述可乎。沛從軍三年，備觀戎事，敢不  
如命刊石立銘。

如彼曩境，蠢爾包藏。謂順無益，謂逆無傷。據山裂  
壤，竊號猖狂。地所不載，天其必亡。皇赫斯怒，詔下  
萬方。徵兵諸侯，出師勤王。殫我中司，翼爾鷹揚。朝  
渡孟津，夕次大梁。深溝淮右，高壘潁陽。有征無戰，  
神誅鬼強。向化為人，覆宗者賊。宇宙混一，車書同  
軌。振旅闡口，全軍而還。昔我往矣，焚舟濟河。今我  
未忍，策勳銘山。以形磅礴，河流洶涌。垂聲無窮，山

河不動。

全唐文卷

侯

惟蜀都重險多貨混同戎蠻人尨俗剽嗜為寇  
亂皇帝元年八月師喪衆暴群疑不制妖孽煽  
行怙恃富強滔天阻兵攻陷他部北包劔門憑  
負丘陵以張鷟猛堅利鋒鏑以拒大順謂雷霆  
之誅莫已加也惟梁守臣禮部尚書嚴公以國  
害為私讎以天討為己任推仁仗信不待司歿  
而人致其命立義抗憤不待喋血而士一其心  
悉師出次祇依明詔凡諸侯之師必出于是儲

劔門銘并序

唐柳宗元

無

秉  
揚  
本  
清  
作

待饗資取其豐穰乃遣前軍嚴秦奉揚王誅誕  
告南土十一月右師逾利州蹈寇地乘山斬虜  
以遏奔衝左師出于劔門大攘頑黨詢引劫脇  
蟻潰鼠駭險無以固收奪利地以須王師到劔  
賢腸振拔根柢俾無以肆毒用集我勲力鑿鼓  
一振元戎啓行取其渠魁以為大戮由公忠勇  
憤悻授任堅明謀猷弘長用能啓闢險阨夷為  
大塗消沮害氣對乎天意帝以休嘉議功居首  
增秩師長進為大藩宅是南服將校羣吏願刊

山石昭著公之功垂號無窮銘曰

于

馴

井絡坤垠時惟外區界山為門環下蜀都叢險積  
貨混并羌髡狂猾窺隙狺狺嘯呼憑據勢勝厚其  
兇徒皇帝之仁宥而不誅暴非德訓害及巴渝乃  
出王旅乃咨列嶽牧臣司梁當其要束器備攸積  
糗糧是蓄人無增賦師以饒足喋血誓土玄機在  
握分命魏緄陳為犄角右逾岷山左直劔門攻出  
九地上披重雲攀天踏空夷視阻艱破裂層壘殄  
穢羣頑內獲固圉外臨平原天兵徐驅卒乘嘽嘽

大慙囚戮戎夏咸歡帝圖厥功惟梁是先開國進  
位南服于藩邦之清夷人以完安銘功鑒亂永代  
是觀

*(Faint bleed-through text from the reverse side of the page)*

柳文六

武岡銘并序

唐柳宗元為

元和七年四月黔巫東鄙蠻獠雜擾盜弄庫兵  
賊脇守帥南鈞牂牁外誘西原置魁立帥殺牲  
盟誓洞窟林麓嘯呼成羣皇帝下銅獸符發庸  
蜀荆漢南越東甌之師四面討問魯罪憑阻遁  
逃不即誅時惟潭部戎師御史中丞柳公綽練  
立將校提率五百屯于武岡不震不騫如山如  
林告天子威命明白信順亂人大恐視公之師  
如百萬視公之令如風雷怨號呻吟喜有攸訴

帥  
師  
羅  
李  
作

鯢

類  
思  
本  
作  
降

授刃頓伏願完父子卒為忠信奉職輸賦進以  
華人無敢不龔母弟生壻繼來于潭咸致天庭  
皇帝休嘉式新厥命先渠同惡革面向化如醉  
之醒如狂之寧公為藥石俾復其性詔書顯異  
進臨江漢益兵三倍為時碩臣殿于大邦文儒  
申申有此武功於是夷人始復聞公之去相與  
高蹈涕呼若寒公喪昔公不夸首級為己能力  
專務教誨俾邦斯平我老洎幼由公之仁小不  
為虺蜮大不為鯨鯢恩重事特不邇而遠莫可

追已願銘武園首以慰我思以昭我類以示我  
子孫彌億萬年俾我奉國如今之誠鄰之我懷  
如公之勤其辭曰

黔山之嶺巫水之磻魚駭而離獸犯而殘戶怨谷  
竄披攘仍亂王師來誅期必以緩公明不疑公信  
不欺援師定命俾邦克正皇仁天施我及其性我  
塗四闔公示之門我愚抵歿公示之恩既骨而完  
既亡而存奉公之訓貽我子孫我始登賊由公而  
仁我始寇讐由公而親山畋澤麇輸賦于都陶穴

刊木室我姻族，烹牲是祀。公受介福，揲耨以占。公  
宜百祿，皇懋公功。陟于大邦，遠哉忒我。誰嗣其良，  
有穴之丹。有屏之顛，匪曰余固。公不可賂，祝隣之德。  
恒遵公則，勗余之世。永謹邦制，南夷作詩。刻示來  
裔。曰上。

柳文二十一

石鐘山銘  
相  
丹心

人事

紀切述德

銘林  
三  
九



石鐘山銘

蘇軾石鐘山銘  
可也村於...  
人...

石鐘山銘

有序

明

揚守陳

彭蠡之口有山名石鐘尚矣後魏鄒元以為下  
臨深潭微風鼓浪水石相搏響若洪鐘也而唐  
李渤非之謂如其說則瀕流度峰皆可貫以斯  
名蓋潭際雙石叩而聆之南聲丞胡北音清越  
是石鐘也而宋蘇軾非之謂石之鏗然有聲者  
所有皆是何獨此以鐘名蓋山下皆石穴微波  
入之聲噌吰如鐘鼓中流大石空中多竅與風  
水吞吐有竅坎鞞鞞之聲嘗親察而得其實故

是鄴矣。而周必大又謂上鐘石高四尺。下鐘石闊丈餘。叩之皆響。若鐘磬。他石則否。復是李焉。余謂波間衆竅。其豐山之自鳴者。亦潭際雙石。其宋左師之每擊者。亦是皆可謂鐘也。然瀕流。廣峰。其下響若鐘者。蓋解石之高大。而叩之。函胡清越。如兩鐘石者。亦安得所在。皆是。且山之以物象名者。若石鼓。文筆之類。亦豈必為天下獨然後名哉。坊名山者。其舟而察諸波間耶。果履而叩諸潭際耶。抑若大寧之山。嘗有巨石狀如大鑪。而今已為波淪之九鼎。火焚之崑玉耶。是皆不可知者。事不目見耳聞。而可臆斷。其有無蘇之戒也。前四人皆目見耳聞而言。猶不能定於一。余固不敢臆斷。顧區區一山名。何損益於天下。亦無足深辯者。聞之故苑。我太祖高皇帝伐偽漢。陳友諒時。駐師湖口。嘗登是山。既而大捷。友諒殪焉。時群敵惟友諒。寔彊難克。肆勞六飛。躬駕後戡。四方皆指授將師。勢如破竹。然則湖口之捷。實天下之基也。方登山時。廟尊先定。

聖謨孔神高涉遠覽之頃固已空七澤而奄八  
荒矣抑或山靈水伯變草木為甲兵驅龍魚為  
驛警以張皇威助聖武耶凡山川獲一賢貴登  
臨以名於世皆可謂幸而是山乃蒙玉趾親臨  
龍顏寵顧一岑一壑至今猶有輝耀何幸尚焉  
古之睹河洛則思禹功往在元季微我高祖民  
其穢矣今四海內外百年之間庶職恬逸萬民  
人和雖群動庶植猶勝於亂世之蒸黎者皆高  
祖戡定輯寧之勞而列聖紹述煦嫗之澤也凡

登是山者左顧彭蠡右瞻金陵江漢之心其可  
已哉兵部正郎王尚忠嘗讀書于山之佛閣間  
屬余言故為之銘俾鏡諸崖石用告來者舍其  
細而懷其大云銘曰  
楚有臣浸漫五百里曰鄱陽湖蓋古彭蠡陽鳥攸  
居禹貢肇紀其委之窮或扼其衝有山特起嶮嶮  
穹窿水經載之其名石鐘往在元季有梟橫厲江  
漢之間雲擾麻沸崇岡震驚汜可小愒天命聖武  
舟師徂征矛戟百萬馳霆鎗烈火西耀煌煌赤

楊文懿公  
桂坊稿

億

城虜血而逋。岨之湖口。乃躋兩鐘。以望九有。鸞旗  
前登。羽衛擁後。猿麋群逐。魚騰鳥將。雲霞增耀。木  
石焜煌。天覽電矚。已空荆湘。玉輅方降。捷音沸騰。  
矢激酋殪。厥衆角崩。或者草木奮為甲兵。四方群  
敵。茲虜惟劇。一鼓殲之餘。何庸力。席卷萬邦。拯其  
焚溺。永康兆民。垂億萬世。峻德穹勳。惟天其至。謂  
天蓋高。曷足與儷。山有巨石。舊銘禹功。苔蝕蘚剝。  
有光流虹。相古勳業。亦銘鼎鐘。於皇聖明。式配神  
禹。亘偕厥銘。以耀終古。屬我臣民。無忘烈祖。

楊文懿公  
桂坊稿

平廣海銘

明 章懋

惟聖皇肇位四海。仁孚德洽。無遠弗届。雖九夷  
八蠻。僻在異域。自古正朔所不及者。莫不重譯  
來王。稽首稱藩。惟是兩漢溪峒。諸獠怙恃。其阻  
昏迷不恭。以自外天子之威命。逞其悍驕。肆厥  
殘虐。以蜂蠆我南鄙之民。乃爾自作弗靖。干國  
之紀。皇用震怒。命將出師。問罪天兵所加。若秦  
山壓卵。無不碎者。執訊獲醜。不可勝計。克翦大  
懟。式遏亂畧。由是東而煮雷。肇慶諸郡。西而荔

浦浴容之鄉妖氛醜穢迅掃無餘而嶺海清矣  
積年逋寇一旦削平巍巍成功無與為比是不  
可以無紀也謹為之銘曰

維彼蠻獠種類實繁椎髻夷面獸心鳥言槃瓠遺  
孽依山阻溪弗循王化是曰生黎與萃雜處禮異  
俗殊性多獷戾惟利是趨喜則人居怒則獸攻漢  
有尉佗宋有蠻儂文不能柔武不能威歷代患之  
畧事羈縻大明御天梯航茲至神化旁達聲教弘  
被五嶺之南百粵之域峒徭山蛋悉歸版籍置吏

設官因俗而治化生為熟馴暴以義爰自近歲人  
牧不職撫綏失宜稔生釁隙肆茲羣醜蛇豕其心  
反面搏噬干戈相尋蜂屯蟻集羊狼狠貪胥戕胥  
霍毒痛海南九重寬仁未卽夷滅曠誅數載愈肆  
猖獗嗷嗷生靈詎堪荼毒螟螣弗去寧有嘉穀桓  
桓虎臣受命徂征赫赫業業揚播天聲旌旗耀日  
金鼓震天以遏寇攘以解倒懸彼昏不悛自速其  
亡翹厥螳臂車轍是當士氣橫飛于奮于殛散其  
部落火其營窟荔江之浦斷藤之峽鼠穴蟲窠一

種

舉斯拔乃移浴容乃進陽江長驅直指天討用張  
西自鬱梧東而廉雷破竹其勢靡堅不推覆巢之  
餘遺馘難全震霆之下掩救弗前百蠻膽破羣酋  
體公罔敵我師深谷其奔帝有恩言將無黷武凡  
厥有生皆吾赤子持杖為寇釋杖為民彼如效順  
亦與維新乃休吾兵乃緩其誅是致是附撫厥憊  
餘妖氛既掃祗困以甦熙熙皇仁洽于海隅疇昔  
南人鷄犬夜驚今茲安堵桴鼓不鳴疇昔嶺外商  
旅道壅今行于途摩肩接踵鹽包青箬飯裹綠荷  
趁墟歸峒以笑以歌山無瘴烟海無颶風變夷為  
夏咸在陶鎔露布奏捷喜動天京于廟告功皇心  
載寧威加裔荒功先古昔小臣作詩永頌聖德

全華文徵

太和山銘

明汪道昆

赫赫成祖張皇聖武中外以寧左右六師玄居陟  
降抗我皇稜大報神休敬脩祠事帝時用興疆理  
隩區離宮錯起榮若繁星太和崔嵬金城千仞以  
象勾陳厥有神臯冠以黃屋俯擊八紘嵩少及肩  
參居二華雄視南衡江漢分流會于二別神物有  
徵禋福邦家韃橐不試民物孔殷肇祀迄今莫不  
祇敬崇祀明禋亦越世宗穆穆玄德通于神明申  
命司空有事吉土百度維新費出上方鳩工程物

勿以罷民在宥寰區四十有五載治定功成皇帝  
承之翼翼昭事罔或不欽三事大夫咸有一德夙  
夜惟寅嗣服不愆率由其舊至治烝烝百粵三苗  
駢首伏篲境內皆平威行匈奴名王稽顙款塞稱  
臣凡厥有生舉首內嚮天子之勲介福宣威保茲  
天子維岳效靈自古七十二家登封有跡猶侈今  
名煌煌我明世脩鴻業振古莫京不佞守臣敬共  
方祀三謁帝閭微惠文昌用彰盛美播于無垠

大函集

燕山勒功銘

有序

明津道晃前

先帝元年虜入燕代乃召少司馬譚綸大將戚  
繼光自閩粵入計治兵京師適不佞得謝東游  
與行會請曰司馬雅自負務以七尺肩國家時  
乎時乎在此行也即入見帝願聞先資之言司  
馬正色而作曰明二祖祖威行匈奴振古無與比  
比承平久疆事陵遲虜一旦生心亡可為緩急  
當事者無從頌而受法狼顧不遑日夜幸得免  
於其身惡能勝其任而愉快也往海寇起東南



日操兵賴二三力臣任之不十年而兵息此中  
迄今無任者顧安得息肩所乎陛下幸而召臣  
臣誠不足以奉廟略請得練士十萬問罪匈奴  
中歸則治屯田興鹽法收富彊之實保世世無  
境外憂此陛下神武之師皇祖之遺烈也次者  
予臣五萬使得一當匈奴臣躬擐甲為將士先  
俘馘萬計將令匈奴不敢南牧遺中國數十年  
之安此衛霍之勲漢之業也不得已而與三萬  
臣非敢必有功完繕收保以待虜來伺有可乘

幸得一擊為趙李牧不亦可乎三者臣請以不  
肖之軀任之顧陛下任臣何如耳不佞舉手加  
額曰壯矣世儒多持文墨議論司馬寧能概於  
其心願徼惠宗廟社稷之靈使司馬得志不佞  
請以單車出塞外為司馬銘狼居胥而還司馬  
行矣既而司馬出薊門居督府蒞大將練諸將  
兵先是薊門治兵垂二十年兵卒不治諸將率  
借資巧宦上下相蒙司馬乃更約束日討諸將  
而訓之吾所以來直將將耳往者諸將失守罪

在督府一人虜至則督府不威諸將恣睢自若  
吾今得請於上矣虜至諸將不用命者悉徇軍  
中師事畢悉當諸將罪狀以聞然後乃課督府  
爾曹勿操故智吾受三尺不避不臣諸將退相  
語曰公必欲驅諸將膏匈奴此直費匈奴一鏃  
耳即諸將暴骨沙漠於中國何益哉司馬以將  
律之不臧也士氣之不作也乃上其狀請以勇  
敢倡之乃遣裨將胡守仁李超募南兵三千如  
期至會大雨待命于郊雨自朝日至日中軍容

益肅諸將懾服無敢言司馬宣言曰虜來吾恃  
戰與守耳虜勢不常風雨非車戰我衆且不能  
自堅其四面列車為營營中駐步騎各一旅遇  
虜則車上火器悉發自數百步外先薄之稍近  
則輾下出步兵排擊虜馬虜却而乘勝逐北乃  
出騎兵各審其宜三者互用此以守而戰也昔  
徐武寧以捷伐開國至其繕東北圍也不遠功  
能比年有事邊牆費至鉅萬脩不容足高不足  
以距跛羊露衆乘牆不蔽風雨虜長驅牆下矢

交集睥睨間。此非石人。惡能旬月守也。其跨牆  
為臺。臺高五丈。周二十丈。臺中可駐百眾。為三  
重階。中為疏戶。以居上。為雉堞。皆可用武。即舉  
火出臺上。瞰虜方向高下。皆以兵當。障器械。芻  
糧不徙而足。此以戰而守也。於是司馬以便。宜  
請江陵相君從中力贊其議。悉許之。諸將大恐。  
曰。公信然邪。吾儕無死所矣。乃布蜚語。輦轂下。  
阻撓百端。聽者不聰。輒言其非計。司馬自劾求  
去。其略曰。臣孳孳為戰守備。即穰苴不易。臣言。

顧臣菲薄。無以厭眾心。多不便。臣者。臣自知無  
所用。請得歸休。如必用臣。臣終不以人言。貶大  
計。時江陵方倚辨司馬。會有詔。司馬任事如故。  
屏流言。司馬部署主客兵。分部伍。習技擊。弓矢  
礮石。干櫓戈矛。各呈其力。車騎卒伍。各程其材。  
乃度土宜。議版築。計周垣二千餘里。當築臺三  
千。顧力詘。舉羸第先其要害者。千有二百。召諸  
將皆來會。以大義諭之。因地分工。羣力畢作。程  
期始畢。臺若干。先成。司馬親巡工。察諸將殿最。

乃開幕府置高會宴賞有差最者列坐兩楹次者在廡次者在門殿者坐門外比再舉則人人以壯麗相高縣官僅蕝十萬緡工事畢矣如以工力計可當百二十萬緡三年四年東西虜聚謀犯薊偵者得我戰守狀西首惴惴持兩端乃卜之巫巫言不利虜尋散去師諸部納款稱臣於是言者始多司馬功請得久留督府勿他徙先帝方以禁兵屬司馬進御史大夫會臺工告成復進大司馬今上初即位首召司馬入典本

業

兵會遣大臣行邊脩先帝之業畿輔以東諸重鎮臣不佞當行始就薊門視師既又周行臺垣視諸險阻自督府中丞大將而下至今奉司馬約法亡敢偷遼東數有戰功紫荆諸關井井有備皆司馬之遺策也事畢當事者請曰往大司馬當多口之秋任非常之事卒之建萬世之利事半而功倍於古人不戰而伐虜謀五年于茲矣此在兵法非所謂善之善者與核名實紀勲勞則使者事請伐燕山之石以從子大夫久要

之言於是不佞為之勒銘志其顛末如此銘曰  
明明穆宗有懷萬國乃召司馬至自海隅司馬過  
行奉身自獻三策畢舉惟帝所須發言盈庭司馬  
議格乃睠左輔授以兵符矯矯元戎寔惟宿將受  
成司馬簡練師徒司馬既東登壇厲將亟須滅虜  
而後朝舖彼已無良狎狎羣犬譬之始發或跋之  
胡帝眷孤忠無稽勿聽爾脩舊服待爾奏膚乃徵  
銳師以倡勇敢三千組練發自東吳乃立刑名各  
司其局功無僭賞罪不逋誅乃飭戎車爰整二旅

駢駢列騎赳赳征夫乃治火攻神器先薄雷電交  
作無堅不渝乃陳五兵因材受器鈇鋒利鏃肅慎  
昆吾乃繕臺垣設險以守金城天府以隆上都乃  
度土功普存群力功踰九仞費則錙銖乃告成功  
言言翼翼分兵列戍永矢無虞肆彼犬羊從目內  
嚮纍纍卻步屏跡穹廬首首款關願為臣妾比于  
荒服旅幣來輸惟帝念功召還司馬入掌邦政光  
輔皇輿周之中興厥有方叔威加儼狝社稷是扶  
帝德明威莫不讐服無庸薄伐坐致匈奴簡在一

人則惟司馬三秋在事百世來模司馬之功周雅  
靡載建元貞觀孰敢同塗奕奕燕山瑞我旬服使  
臣紀事揚扈訐謨

*[Faint bleed-through text from the reverse side of the page]*

平遠臺勒功銘有序

汪道昆為人

言官上言日本毒閩且十年劫眾聚徒且十餘  
萬閩財力竭矣當事者廩廩莫敢誰何今巡撫  
忠臣獨兵食少詎能求旦夕之効閩故隸督府  
督府尚書名震夷夏所部多精兵請亟發督府  
兵不然閩且不保上當言官議下尚書尚書胡  
公巡撫游公皆新安人也胡公發精兵八千人  
以部將戚將軍為上將閩帥戴將軍佐之按察  
王大夫則護軍往誓師畢胡公進三人者語曰

吾聞游公已定漳泉，賊堅壁福清，與諸將相持不下。他夷部復入橫嶼，據絕島中。寧德日告急，不暇問。公等第亟擊橫嶼，橫嶼破，乘勝而趣福清，直振稿耳。於是引兵從間道入，不旬日而破橫嶼，殲之。再旬，入福清，大破賊牛田，賊殊死走興化。旬日而襲興化，又殲之。部中悉平。戚將軍以全師入，諸大夫郊勞曰：「天厭閩久矣。」將軍至，乃始有聞此百世之伐也。將軍避席曰：「督府奉明詔，繼光待罪行間，乃今有尺寸功，止者朝廷。」

次者督府，次者諸大夫之烈。繼光何有？夫古人以軍功顯，務旌其伐。銘諸名山，將軍功高而不伐，故足術也。乃登平遠臺，脩飲至禮，道昆辛而上在事，遂為之銘。銘曰：

於昭明德，漸於出日。重譯來格，島夷不逞。馮陵白刃，躡我四境。吳越發難，厥有京觀。閩海遘患，帝命徂征。自癸及壬，武功弗成。申命督府，脩我于櫓。保我南土，乃建元戎。顯允戚公，萬夫之雄。乃發右廣，元戎是獎。命戴公往，乃卜護軍。三令五申，大夫啓

行肅肅我旅集如時雨千里安堵既薄秦川鬪士  
爭先鯨鯢用殲狂寇匪茹大師克遇牛田失據轉  
戰于葑駢首伏鈇冠無前途昔也寇虐民有溝壑  
邑無聚落王師至止保我婦子家室伊始矣方旣  
同赫赫元戎奏爾膚公元戎踧踖天威咫尺胡臣  
之力戎車旣旋崇臺言言斯民具瞻大德不德小  
子何述述諸貞石

九萬集星

坦奴銘 并序

郭子章

蜀之交川古氏羗地繇來邈矣其遐裔錯住洞  
島混跡漢夷結瓊毳以自救習精悍而健鬪其  
性然也明興經略西川招撫邊戎當事者以豺  
狼不可狎也歲捐金繒羈縻之然亦不敢負阻  
馮兇以逞邇年来蟻聚彌夥犬牙喻厲彼彼不  
虔貪猥亡饜隊西戎以剝行道絜北虜而騷居  
毗至川我堡長剗我邊人殘孽貫盈天人共怒  
時皇帝尹天下歲之柔兆閹茂也大司馬徐公



奉天討揭靈旗屬文臣材官而盡以方略飲水  
授節指日揚麾先庚而號令嚴肅未鼓而士卒  
譁鉦或攻或伐或圍或追勢如解籜事埒拉枯  
虜且披靡莫知所嚮曳兵而實塹谷者自成京  
觀冒刃而赴江河者歛若斷流渠賊就擒碣房  
悉燬不半載而四十餘砦一掃無存故穴匪依  
餘黨深竄想天戈之盡劉悔偏頭之未從面縛  
軍門以乞降還銀鏤而納窾攪其首亂軟血埋  
奴以矢必不敢逆命司馬公乃奏凱班師西鄙

之民始艱然解戈而即社席矣露布以聞聖天  
子猷偉其功爵賞有差余同年謝彥實氏觀察  
威茂出入帷幄親履矢石嘗以其所睹記者紀  
西征事甚備因屬子章為銘鐫之石以彰一代  
碩膚且以示羗虜之後來者嗟乎漢當中興尚  
閉玉關謝西域唐丁盛際諸蕃僅質侍子未聞  
自縛首兇數拾人甘心幽土以堅誓盟自非靈  
威神武安能鎮壓其狠心建千古駿業哉赫矣  
壯乎洵為不朽教綴其槩而系之銘銘曰

盾

茫茫天府，坤維接畛。網以封轂，綴以仁允。狡焉夷獠，滋蔓如禎。性予梟獍，殘于獫狁。侵玩不蠲，酷茲邊疾。事聞當宁，帝赫斯怒。授大司馬，珣戈以捕爰。擘文韜，廣掇武庫。猗將擗，謀臣獻謨。鼙鼓震天，輶輻塞路。瀦嶽拔山，掣電卷霧。地豕陵亂，狼狽而哮。曷矯其鷲，曷馮其固。執壓穹廬，機駭盤瓠。追犇逐北，俘馘滿野。餘孽窮屈，悔負咻喚。願罷金繒，以謝西征。稽顙禎領，籲天乞生。詎曰駢旌，縛虜乞盟。瘞之邊土，倂彼不庭。五兵既隱，七宿尊衡。啓陞之

植

疆萬國之禎，功序廟廊。茂賞殊旌，在昔嚴帥。劍閣勒銘，矧茲偉燁。豈直夷平，昇哉京觀。自歲鯨鯢，刻石山阿。千載威名，  
*續衣生蜀草*

有為乃始立於世也...  
 其德足以化民成俗...  
 而後世之君子...  
 亦必有其...  
 若夫...  
 則其...  
 故曰...  
 夫...  
 此...  
 其...  
 故...

